



# Sest uhapšenih zbog krijumčarenja migranata

Polijski službenici SIPA, postupajući po naredbama Suda BiH i Tužilaštva BiH, u četvrtak su u operativnoj akciji Road, na području Tuzlanskog kantona i Pelagićeve uhapsili šest osoba zbog krijumčarenja migranata, dok se za dvije osobe još traga.

Privedeni su E. M. (37), E. M. (22), N. S. (35), Z. O. (35), S. M. (25) i D. Ž. (39) zbog sumnje da su počinili krivična djela organizovani kriminal, organizovanje grupe radi trgovine ljudima i krijumčarenja migranata, te krijumčarenje ljudi.

U okviru ove akcije pretreseni su objekti na ukupno 11 lokacija na području Gradačca, Srebrenika i Pelagićeve, s ciljem pronalaženja predmeta koji mogu poslužiti kao dokaz u daljem postupku. Prilikom pretre-



sa pronađeno je i privremeno oduzeto više mobilnih telefona, SIM kartice, razne evidencije, bilješke, potvrde o slanju novca i drugi predmeti.

Navedene aktivnosti realizovane su uz asistenciju pripadnika MUP-a Tuzlanskog kantona i MUP-a RS-a.

Tokom dosadašnje istrage utvrđeno je da je međunarodna kriminalna grupa sastavljena od državljana više zemalja, među kojima su i državljani BiH, od septembra do novembra 2012. godine iz naše zemlje u Njemačku ilegalno prevela najmanje 11 državljana Turske, za šta su pribavili protivpravnu imovinsku korist u iznosu od oko 20.000 eura. Nakon provođenja aktivnosti na terenu, te ispitivanja osumnjičenih, postupajući tužilac Saša Sarajlić će donijeti odluku o eventualnom prijedlogu za određivanje pritvora ili mjera zabrane za osumnjičene.

Osobe lišene slobode privedene u četvrtak su dovedene u službene prostorije SIPA u Tuzli, gdje je nad njima izvršena krim-obrada.

Tužilac Sarajlić je pojasnio da će istraga utvrditi kuda su krijumčari ulazili u BiH, kuda su se kretali i gdje su izlazili iz BiH na putu prema Njemačkoj, te koliko su naplaćivali za prevoz jedne osobe. Osumnjičene članove međunarodne kriminalne grupe, koji su državljani drugih zemalja, u okviru ove akcije će procesuirati policija i pravosuđe zemalja u kojima se nalaze. **D. P.**

**Pretreseni objekti na 11 lokacija na području Gradačca, Srebrenika i Pelagićeve, oduzeti mobiteli, SIM kartice, razne evidencije, bilješke, potvrde o slanju novca...**